

3. Oktober 2024

UKA2024/27

Uunga siunnersuut: Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaata allanngortinneqarnissaa pillugu Inatsisartut inatsisaat, Inissianik attartortitsisarneq pillugu Inatsisartut peqqussutaat pillugu Namminersorlutik Oqartussat nalunaarutaanik allanngortitsineq, Unammilleqatigiinneq pillugu Inatsisartut inatsisaanik allanngortitsineq, Siusinaartumik pensionisiat pillugit Inatsisartut inatsisaanik allanngortitsineq, Pisortat Pisiortortarneranni Neqerooruteqartitsinermi Maalaaruteqartarfik pillugu Inatsisartut inatsisaanik allanngortitsineq, aamma Pinngortitamik illersuineq pillugu Inatsisartut inatsisaanik allanngortitsineq

(Maalaaruteqartarfiit suleriesai pillugit inissiineq pillugu maleruagassanik allannguuteqarneq)
(Inuutissarsiornermut, Niuernermut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq)

Naalakkersuisup saqqummiussaanut Siumumiik qujavugut. Inatsimmik allanngortitsinissamik siunnersuut pisariaqartoq paasivarput, tassami allaffissornermi inatsik naleqqukkunnaarsimammat oqilisaasoqartariaqartoq malunnarpoq.

Saqqummiussaq malillugu kissaatigineqarpoq eqaallisaanissaq, oqilisaanissaq aammalu maalaaruteqartarfimmi aaliangiisartut attuumassuteqannginnerisa nukittorsarnissaat. Tassami saqqummiussisummi erseqqissarneqarpoq maannakkut ingerlariuseq malillugu Naalakkersuisoqarfik attuumassuteqarpallaartoq.

Taamatut allannguuteqartitsinissamut suliaq, aaliangiisartut suleqatigalugit siunnersuutaammat tamakkiisumik Siumumiik taperserparput.

Doris J. Jensen, Siumut

